

REGLUGERÐ FRAMKVÆMDASTJÓRNARINNAR (EB) nr. 920/2007

2009/EES/25/53

frá 1. ágúst 2007

um breytingu á reglugerð (EB) nr. 930/2000 um setningu framkvæmdarákvæða um hvort nafngiftir eigi við um yrki af tegundum nytjajurta í landbúnaði og tegundum matjurta (*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 2002/53/EB frá 13. júní 2002 um sameiginlega skrá yfir yrki nytjaplantna í landbúnaði ⁽¹⁾, einkum 6. mgr. 9. gr.,

með hliðsjón af tilskipun ráðsins 2002/55/EB frá 13. júní 2002 um markaðssetningu grænmetisfræs ⁽²⁾, einkum 6. mgr. 9. gr.,

og að teknu tilliti til eftirfarandi:

1) Með tilskipun 2002/53/EB og 2002/55/EB eru settar almennar reglur um það hvort nafngiftir eiga við um yrki með vísun til 63. gr. reglugerðar ráðsins (EB) nr. 2100/94 frá 27. júlí 1994 um tilkall til plöntuþyrkja í Bandalaginu ⁽³⁾.

2) Með reglugerð framkvæmdastjórnarinnar (EB) nr. 930/2000 frá 4. maí 2000 um setningu framkvæmdarákvæða um hvort nafngiftir eigi við um yrki af tegundum nytjajurta í landbúnaði og tegundum matjurta ⁽⁴⁾ eru settar ítarlegar reglur um beitingu tiltekinna viðmiðana, sem settar eru fram í 63. gr. reglugerðar (EB) nr. 2100/94, einkum að því er varðar hindrun á því að tilgreina nafngift yrkis.

3) Frá því að reglugerð (EB) nr. 930/2000 var samþykkt hefur skilgreiningin á „náskyldar tegundir“, sem Alþjóðasambandið um vernd nýrra plöntuþyrkja notar, breyst. Því ber að uppfæra ítarlegu reglurnar, sem komið var á með reglugerð (EB) nr. 930/2000, til samræmis við það.

4) Því ber að breyta reglugerð (EB) nr. 930/2000 til samræmis við það.

5) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um fræ og fjölgunarefni í landbúnaði, garðyrkju og skógrækt.

SAMÞYKKT REGLUGERÐ ÞESSA:

1. gr.

Reglugerð (EB) nr. 930/2000 er breytt sem hér segir:

1. Í stað b-liðar 4. gr. komi eftirfarandi:

„b) „náskyldar tegundir“ hefur þá merkingu sem er skilgreind í viðaukanum við þessa reglugerð.“

2. Í stað viðaukans við reglugerð (EB) nr. 930/2000 komi texti viðaukans við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í Stjórnartíðindum Evrópusambandsins.

(*) Þessi EB-gerð birtist í Stjtið. ESB L 201, 2.8.2007, bls. 3. Hennar var getið í ákvörðun sameiginlegu EES-nefndarinnar nr. 153/2007 frá 7. desember 2007 um breytingu á I. viðauka (Heilbrigði dýra og plantna) við EES-samninginn, sjá EES-viðbætur við Stjórnartíðindi Evrópusambandsins nr. 26, 8.5.2008, p. 12.

⁽¹⁾ Stjtið. EB L 193, 20.7.2002, bls. 1. Tilskipuninni var síðast breytt með reglugerð Evrópubingsins og ráðsins (EB) nr. 1829/2003 (Stjtið. ESB L 268, 18.10.2003, bls. 1).

⁽²⁾ Stjtið. EB L 193, 20.7.2002, bls. 33. Tilskipuninni var síðast breytt með tilskipun framkvæmdastjórnarinnar 2006/124/EB (Stjtið. ESB L 339, 6.12.2006, bls. 12).

⁽³⁾ Stjtið. EB L 227, 1.9.1994, bls. 1. Reglugerðinni var síðast breytt með reglugerð (EB) nr. 873/2004 (Stjtið. ESB L 162, 30.4.2004, bls. 38).

⁽⁴⁾ Stjtið. EB L 108, 5.5.2000, bls. 3. Reglugerðinni var breytt með reglugerð (EB) nr. 1831/2004 (Stjtið. ESB L 321, 22.10.2004, bls. 29).

Hún gildir ekki um nafngiftir yrkja sem umsækjandi leggur til við lögbært samþykkisyfirvald fyrir gildistöku þessarar reglugerðar.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 1. ágúst 2007.

Fyrir hönd framkvæmdastjórnarinnar,

Markos KYPRIANOU

Framkvæmdastjóri.

„VIÐAUKI

Náskyldar tegundir

„Náskyldar tegundir“, eins og um getur í b-lið 4. gr., hefur þá merkingu sem hér segir:

- a) ef fleiri en einn flokkur er innan ættkvíslar gildir skráin yfir flokka í 1. lið,
- b) ef flokkar ná yfir fleiri en eina ættkvísl gildir skráin yfir flokka í 2. lið,
- c) almennt er lítið svo á, að því er varðar ættkvíslir og tegundir sem falla ekki undir skrá yfir flokka í 1. og 2. lið, að ættkvísl sé flokkur.

1. *Flokkar innan ættkvíslar*

Flokkur	Visindaheiti
Flokkur 1.1	<i>Brassica oleracea</i>
Flokkur 1.2	<i>Brassica</i> , þó ekki <i>Brassica oleracea</i>
Flokkur 2.1	<i>Beta vulgaris</i> — sykurrófa, fôðursykurrófa
Flokkur 2.2	<i>Beta vulgaris</i> — rauðrófa, þ.m.t. Cheltenham-rófa (Cheltenham beet), blaðbeðja eða strandblaðka
Flokkur 2.3	Beta, þó ekki flokkar 2.1 og 2.2.
Flokkur 3.1	<i>Cucumis sativus</i>
Flokkur 3.2	<i>Cucumis melo</i>
Flokkur 3.3	<i>Cucumis</i> , þó ekki flokkar 3.1 og 3.2
Flokkur 4.1	<i>Solanum tuberosum</i>
Flokkur 4.2	<i>Solanum</i> , þó ekki flokkur 4.1

2. *Flokkar sem ná yfir fleiri en eina ættkvísl*

Flokkur	Visindaheiti
Flokkur 201	<i>Secale, Triticale, Triticum</i>
Flokkur 203 (*)	<i>Agrostis, Dactylis, Festuca, Festulolium, Lolium, Phalaris, Phleum og Poa</i>
Flokkur 204 (*)	<i>Lotus, Medicago, Ornithopus, Onobrychis, Trifolium</i>
Flokkur 205	<i>Cichorium, Lactuca</i>

(*) Flokkar 203 og 204 eru ekki eingöngu ákveðnir á grundvelli náskyldra tegunda.“